



Youth Transition Support services

COVID-19 ÓLLA BOLI HÉDMOT ÓKKOL BODÓLLÉ

Har uggwá kelien Youth Transition Support Service ót asé taralla modot solat takibou COVID-19 biyaram ór thaím ót. Kintu hédmot dibar torika bodóllé oficial aramiyot ór moswarar mutabek yé.

Muntu muntu gurup session ór bodola, zon foti ré kontek goribou telefún loí ya hédmot douyayé gurup ór ham toyari goribou social media pelatform óttu zi indilla neíki Zoom, WhatsApp ar Facebook asé.

Zeí kelien gín bala gori Ingilís hoíno zanéde itaralla Hédmot douyayé telefún ór oré hotá báñgidoya lain goribou.

Ciko **COVID-19 ar alamot ókkol ór** baabote.

Youth Transition Support (YTS) hédmot iba ki ?

YTS ór hédmot yé hóicca fuain zíin insaniyot ór lain loí aícce ar nazuk migran zíin ór boc 15 ottú 25 fan asé tararé modot gore ham ar fónnalla, ham ór toyari ré bala gore, vokasional ór jinis goribolla móuka ókkol de, ar doru social talukat bana fónna ar kélaár zoriyayé.

Zíin Hóicca fuain insaniyot ór lain loí aícce de itara ar oínno migran ókkol óttu beci duk samna gora foré modot codot fáibolla, ek therenin óttu ar ek therenin ót fargaraí zaibolla ar ham tuaí bolla, ageza madot oínno manúic ór tuworo bec lagé ar modot gora fore noya cómaj ór butore camil tokon ót. Lín oít fare noya zuban ólla ar solasol forok de yan olla boli, ar/ya network doru naí de yan ólla ar elom náí mosdurir market ór baabote.

Hóicca mañuic ór fémlit tuí ó duk láíbo apna buzibolla ar social talukat rakibolla.

YTS hédmot ókkol hotodilla porejek ar aktivitir zoriya foóñca fúañti asedé ki loukel ham ór buda loí zukazuk gori don ar ham, ar vakasional ar oínnio fónna ókkol.

YTS ór hédmot lói kengóri hóicca manúic ókkol lé modot faibou?

YTS ór hédmot yé hóicca insaniyot ór lain loí aícce itararé ar oínno ofozotto migran ókkoll oré doru duk bordaci ar bec óttu bec zanade uddur goridé take tara fónna lói talukat také fan ar kamiyab ót saté ham ót fargaraí zagóí faré fan.

YTS ór hédmot ót saír gan zagat diyan dé. Lín oíldeki:

- Ham ór zaga ókkol lot partnership goron hóicca fuain dor ham goribar toyari baabote toriki goribolla
- Fónna loí doru talukat rakibolla hóicca fuain doré modot bol dibolla také fónna loí talukat také fan

- Vokasional móúka ókkol dibolla ar tarar asedé vokasional mahiri iín doro mosbut goribolla
- Kélaá loí talukat rakibolla zian ye neíki social talukat ar nizor oré hímmot bicac doro gore kélaá ár zoriyayé

Añi ofozotto ne hédmot iín faibolla?

Tuñi caiyet ofozotto oít faro YTS ór hédmot ólla zedice tuñi permanent resident oíle boc 15 ottu 25 fan ar geldé fas bosor ór butore Australia foóñco insaniyot ór laín loí, ya fémlir stream ór migran ar Ingilic hom zané.

YTS ór hédmot Añi kengóri lót faíyum?

Nisor tabel yan ót lis ókkol asé YTS ór hédmot douya ókkollor. Zedice tuñartu foson lagilé purugaram iín ót camil oíbolla, meherbani gori hédmot douya iín oré kontek goro.

Hédmot douya	YTS hédmot ókkol elaka iín ót asé
Lebanese Muslim Association	Canterbury, Bankstown, Liverpool ar Fairfield, NSW
Community Migrant Resource Centre Inc (Parramatta)	Auburn ar Blacktown, NSW
Multicultural Australia	Brisbane, QLD
Access Community Services Limited	Logan, QLD
Victorian Foundation for Survivors of Torture Inc (Foundation House)	Greater Dandenong, Casey, Hume, Brimbank, Darebin, Maribyrnong, Melbourne ar Whitehorse, VIC
Brotherhood of St Laurence	Hume, VIC